




ԵԿԵՂԵՑԱԿԱՆ ԲԵՄ. ԼՈՒՐԵՐ

Դեկտեմբերի 6-ին, չորեքշաբթի.—Այսօր, երեկոյան, Վեհաբանում կայացավ միաբանական հերթական հավաքույթ, որի ընթացքում խոսեց Վեհափառ Հայրապետը նոյեմբերի 29-ի 58-րդ տարեդարձի առթիվ հայ ժողովրդի ձեռք բերած նվաճումների մասին՝ մշակույթի, գիտության, արվեստի, գյուղատնտեսության, արդյունաբերության և քաղաքաշինության բնագավառներում:

Նորին Սրբությունը այս առիթով խոսեց նաև մանավանդ վերջին 23 տարիների ընթացքում Մայր Աթոռ ս. Էջմիածնի և հայ եկեղեցու վերագարթոնքի մասին հայրենիքի խաղաղ և ապահով պայմանների մեջ:

Նորին Սրբությունը Իր ոգեշունչ խոսքով խանդավառեց հավաքույթի մասնակիցներին, եկեղեցական և հայրենական հաջողությունների առթիվ:

Դեկտեմբերի 10-ին, կիրակի.—Այսօր Մայր տաճարում ս. պատարագ է մատուցում տ. Մովսիկ վրդ. Սարգսյանը և քարոզում «Տուր հանգիստ բերկրության մահահանգյունս նիրհման ի խորության գիշերիս»

(Գրիգոր Նարեկացի, «Մատենան ողբերգության», բան ԺԲ) բնաբանով:

Ս. պատարագին ներկա էր Վեհափառ Հայրապետը:

Դեկտեմբերի 13-ին, չորեքշաբթի.—Այսօր, երեկոյան, տեղի ունեցավ միաբանական հերթական հավաքույթ, որի ընթացքում խոսք առավ տ. Մովսիկ վրդ. Սարգսյանը և համառոտակի ներկայացրեց Ծեսպիրի կյանքն ու նրա «Համլետ» ստեղծագործությունը:

Դեկտեմբերի 17-ին, կիրակի.—Այսօր Մայր տաճարում ս. պատարագ է մատուցում Բուղարիայից ովստավորաբար Մայր Աթոռում գտնվող տ. Մեսրոպ քհն. Բենյի-յանը և քարոզում «Նման է արքայութուն երկնից, հատույ մանանխոյ գոր առեալ մարդոյ սերմանեաց յագարակի իրում, որ փոքր է քան զամենայն սերմանիս և յորժամ աճիցէ, մեծ է քան զամենայն բանջարս» (Մատթ. ԺԳ 51—52) բնաբանով:

Ս. պատարագին ներկա էր Վեհափառ Հայրապետը:

Դեկտեմբերի 20-ին, չորեքշաբթի.—Այսօր հոգևոր ճամարանում սկսվեցին 1978—1979 ուսումնական տարվա կիսամյա քննությունները, որոնք կտևեն մինչև դեկտեմբերի 31-ը:

Դեկտեմբերի 28-ին, շաբաթ.—Այսօր, երեկոյան, Վեհափառ Հայրապետին այցելեցին Նրա նախկին ուսման հայ աշակերտները՝ շուրջ 40 հոգի, որոնք արդեն վաղուց հաստատվել էին մայր հայրենիքում, ամուսնացած, տուն-տեղ կազմած Երևանում: Նրանք եկել էին շնորհավորելու Հայոց Հայրապետի ծննդյան 70-ամյակը և Նոր տարին:

Ջերմ գրույցի ընթացքում խոսք առան և Հայոց Հայրապետին իրենց երախտագիտությունը հայտնեցին նախկին սաներից Սուրեն Քոլանջյանը, Հակոբ Առաքելյանը և Ավետիս Փոլատյանը, որոնք արդեն ճանաչված գիտաշխատողներ և դասախոսներ են Երևանում:

Այս առիթով Հայոց Հայրապետին նվիրվեց մի հուշանվեր՝ հետևյալ մակագրությամբ. «Վարուք առաքինի, հաւատով ուղիղ, յուսով համբերող, սիրով անկեղծաւոր, ուսուցանելու անձամբողջ» (Մովսէս Խորենացի):

Ստեղծված արտագին մթնոլորտում անցյալի դպրոցական քաղցր հուշերի ոգեկոչումով ուսուցիչ և աշակերտ ապրեցին անմոռանալի պահեր:

Հանդիպման ավարտին խոսք առավ Հայոց Հայրապետը, Իր գոհունակությունը հայտնեց երբեմնի Իր ուսանողների այս այցելության համար և օրհնեց բոլորին՝ թելադրելով հավատարիմ մնալ այն հավատքին և ոգուն, որ նրանք ստացել էին իրենց աշակերտական գրասեղանների առաջ Բուխարեստի հայկական դպրոցի համեստ հարկի տակ և այդ հավատքին և ոգուն նրանք հավատարիմ էին մնացել նաև հայրենի հողի վրա՝ իրենց գիտական և դասախոսական աշխատանքներում:

Դեկտեմբերի 24-ին, կիրակի.—Այսօր, երեկոյան ժամը 19-ին, Վեհափառում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստ:

Դեկտեմբերի 26-ին, երեքշաբթի.—Այսօր ուխտավորաբար Մայր Աթոռ ժամանեցին Արգենտինայի հայոց տիրախմամ թեմի Կենտրոնական վարչության ներկայացուցիչներ տիար Հարություն Գազազյանը և տիար Գալուստ Տեր-Մարտիրոսյանը՝ Հայոց Հայրապետի հետ տեսակցելու համար թեմի մի շարք եկեղեցական հարցերով:

Մայր տաճարում իրենց ուխտն ու աղոթքը կատարելուց հետո հարգելի հյուրերը ներկայացան Վեհափառ Հայրապետին և Վեհափառում ջերմ գրույց ունեցան Նորին Սրբության հետ:

Դեկտեմբերի 27-ին, չորեքշաբթի.—Այսօր, երեկոյան, Վեհափառում տեղի ունեցավ միաբանական հերթական հավաքույթ, որի ընթացքում խոսք առավ Գերմանիայից ուխտավորաբար Մայր Աթոռում գտնվող տ. Հակոբ արք. Գրլընդյանը՝ ներկայացնելով Գերմանիայի նորակազմ հայոց գաղութի կյանքը և մշակութային-եկեղեցական գործունեությունը:

Հավաքույթին ներկա էր Վեհափառ Հայրապետը:

Դեկտեմբերի 31-ին, կիրակի.—Այսօր Մայր տաճարում ս. պատարագ է մատուցում տ. Թորգոմ վրդ. Մուշեղյանը և «Հայր մեր»-ից առաջ քարոզում «Տէ՛ր, կեցո՛ղ դու զհայս» երգի բնաբանով:

Ս. պատարագին ներկա էր Վեհափառ Հայրապետը:

Հունվարի 1-ին, երկուշաբթի.—Այսօր Մայր տաճարում ս. պատարագ է մատուցում տ. Մասիս վրդ. Գալստյանը:

Ս. պատարագին ներկա էր Վեհափառ Հայրապետը:

Հավարտ ս. պատարագի Իջման ս. սեղանի առաջ Նոր տարվա խորհրդին նվիրված քարոզ է խոսում պատարագիչ հայր սուրբը՝ բնաբան ունենալով Ներսէս Ծնորհալու «Առաւօտ լուսոյ, արեգակն արդար, առ իս լոյս ծագեալ» տաղի բառերը, ապա ջերմ ու սրտաբուխ մաղթանքներով շնորհավորում է Հայոց Հայրապետի Նոր տարին և հաջողություններ ցանկանում Մայր Աթոռի միաբանությանը և հավատացյալ ժողովրդին:

Այնուհետև կատարվում է Հայրապետական մաղթանք: Հավարտ եկեղեցական արարողության Վեհափառ Հայրապետը առաջնորդվում է Վեհարան, ուր հոգևոր ճեմարանի սաները աջահամբույրով շնորհավորում են Հայոց Հայրապետի Նոր տարին:

Հանուն միաբանության Հայոց Հայրապետի Ամանորը շնորհավորում է տ. Սիոն արքեպ. Մանուկյանը՝ շեշտելով, որ Մայր Աթոռի միաբանությունը նոր եռանդով ու կոթողով այս տարի էլ աշխատելու է Նորին Սուրբ Օծության օրհնության և ղեկավարության ներքո:

Վեհափառ Հայրապետը նույնպես շնորհավորում է Մայր Աթոռի միաբանության Նոր տարին և, Իր հայրական օրհնությունն ու պատգամը տալուց հետո, 1979 թվականի մեկական օրացույց է բաշխում բոլոր ներկայացողին:

* * *

Հունվարի 7-ին, կիրակի.—Այսօր Մայր տաճարում ս. պատարագ է մատուցում տ. Եղիշե քին. Բաղրամյանը և «Հայր մեր»-ից առաջ քարոզում «Եթե հնար ինչ իցե՞ ձեզ ընդ ամենայն մարդկան գիտաղաղության կալիք» (Հռոմ. ԺԲ 18):

Ս. պատարագին ներկա էր Վեհափառ Հայրապետը:

* * *

Հունվարի 10-ին, չորեքշաբթի.—Այսօր, Վեհափառ Հայրապետից և Մայր Աթոռից հրաժեշտ առնելով, իր պաշտոնատեղին մեկնեց Արգենտինայի հայոց թեմի Վեներոնական վարչության ներկայացուցիչ տիար Գալուստ Տեր-Մարտիրոսյանը, որը շուրջ երկու շաբաթ ուխտավորաբար գլխավորում էր մայր հայրենիքում տեսակցություն ունենալով Վեհափառ Հայրապետի հետ Արգենտինայի հայոց թեմի եկեղեցական մի շարք հարցերի առիթով:

Երևանի օդանավակայանում հարգելի հյուրին, հանուն Վեհափառ Հայրապետի, ճանապարհեց տ. Մյուռոն արք. Գրվրգյանը, իսկ պր. Հարություն Գազազյանը, հրաժեշտ առնելով Վեհափառ Հայրապետից և Մայր Աթոռից, մեկ շաբաթ առաջ մեկնել էր ս. Էջմիածնից:

* * *

Նույն օրը, երեկոյան, Վեհարանում, Վեհափառ Հայրապետի ճախագահությամբ, տեղի ունեցավ միաբանական հերթական հավաքույթ, որի ընթացքում քննության առ-

նըվեցին Մայր տաճարում խուլած վերջին երեք քարոզները:

Քննարկման ավարտին Վեհափառ Հայրապետը, Իր գնահատությանն արժանացնելով խուլած քարոզները, նաև կատարեց մի շարք շինիչ և օգտակար թելադրություններ՝ քարոզների բովանդակության, խոսելու հմտության և արվեստի շուրջ:

* * *

Հունվարի 11-ին, հինգշաբթի.—Ամանորի և ս. Ծննդյան արձակուրդներից հետո, այսօր, հոգևոր ճեմարանում վերսկսվեցին դասավանդությունները:

* * *

Հունվարի 14-ին, կիրակի.—Այսօր Մայր տաճարում ս. պատարագ է մատուցում տ. Մոմիկ վրդ. Սարգսյանը և «Հայր մեր»-ից առաջ քարոզում «Տէր, ողորձա՛ զգնացս մեր ի ճանապարհս քո խաղաղութեան...» (մաղթանք) բնաբանով:

Ս. պատարագին ներկա էր Վեհափառ Հայրապետը:

* * *

Նույն օրը Մայր Աթոռ այցելեց Ֆրանսիայի կապի մինիստր Նորբեր Սեգերը՝ իր տիկնոջ հետ:

Հարգելի հյուրին ողջեցում էին ՍՍՀՄ կապի մինիստրի տեղակալ Վ. Ն. Լեբեդևը, ՍՍՀՄ կապի մինիստրության արտաքին հարաբերությունների վարչության պետ Ե. Ա. Մոտինը և ՀՍՀ կապի մինիստր Թ. Ս. Մինասյանը:

Հարգարժան հյուրերը, Մայր տաճարում ս. պատարագին ներկա գտնվելուց հետո, Վեհարանում ընդունվեցին Վեհափառ Հայրապետի կողմից:

Հայոց Հայրապետի և հարգելի հյուրերի միջև տեղի ունեցավ ջերմ գրույց՝ սրտագին մթնոլորտում:

* * *

Նույն օրը Մայր Աթոռ այցելեցին Լենինգրադի աստվածաբանական ակադեմիայի մի խումբ արտասահմանյան ուսանողներ:

Ուսանողների խումբը, Մայր տաճարում ս. պատարագին ներկա գտնվելուց հետո, Վեհարանում ընդունվեցին Վեհափառ Հայրապետի կողմից:

Երկու օր հյուրընկալվելով Մայր Աթոռում, ուսանող հյուրերը այդ ընթացքում այցելեցին Հայաստանի պատմական վայրեր՝ ս.

Գեղարդ վանք, Գառնի, Սևան, Օշական, Սարդարապատի հուշարձանախումբ և այլ վայրեր:

*
* *

Հունվարի 17-ին, չորեքշաբթի.—Վեհափառ Հայրապետի կարգադրությամբ, Զագորսկի աստվածաբանական ակադեմիայում իր աստվածաբանական ուսումը շարունակելու մեկնեց տ. Գարեգին արդ. Ներսիսյանը:

*
* *

Նույն օրը, երեկոյան, Վեհաբանում տեղի ունեցավ միաբանական հերթական հավաքույթ, որի ընթացքում խոսք առավ Լուդոնից ուխտավորաբար Մայր Աթոռում գտնվող Վրեժ արկ. Ներսիսյանը: Բարեջնորհ սարկավազը խոսեց՝ Ավետարանում Հիսուս

Քրիստոսին վերաբերող անվանումների մասին:

Հավաքույթին ներկա էր Վեհափառ Հայրապետը:

*
* *

Հունվարի 18-ին, հինգշաբթի.—Այսօր ԳՖՀ՝ իր ուսումը շարունակելու մեկնեց ուխտավորաբար Մայր Աթոռում գտնվող տ. Հակոբ արդ. Գըլընճյանը:

*
* *

Հունվարի 21-ին, կիրակի.—Այսօր Մայր տաճարում ս. պատարագ է մատուցում տ. Հովհաննես ավագ քհն. Մարությանը և «Հայր մեր»-ից առաջ քարոզում «Զի այնպես սիրեաց Աստուած զաշխարհ, մինչև Որդի իւր Միածին ետ, զի ամենայն որ հաւատայ ի նա, մի կորիցէ...» (Հովհ. Գ 16) բնաբանով:

